

白氏長慶集卷第三十三

從同州刺史改授太子少傅分司

承華東署三分務履道西池七過春歌酒
優遊聊卒歲園林蕭洒可終身留侯爵秩
誠虛貴疎受生涯未苦貧月俸百千官二
品朝廷顧我作閑人

奉和裴令公新成午橋庄綠野堂
即事

舊逕開桃李新池鑿鳳凰只添丞相閣不
改午橋庄遠處塵埃少閑中日月長青山
為外屏綠野是前堂引水多隨勢栽松不
赴行年華翫風景春事看農桑花妬謝家
妓蘭偷荀令香遊絲飄酒席瀑布濺琴牀
巢許終身隱蕭曹到老忙千年洛公便進
退處中央

自題小草亭

新結一茅茨規模儉且卑土堦全壘塊山
木半留皮陰合連藤架叢香近菊籬壁宜
藜杖倚門稱荻簾垂窓裏風清夜簷間月
好時留連嘗酒客勾引坐禪師伴宿雙棲
鶴扶行一侍兒綠醅量盞飲紅稻約升炊
齷齪豪家笑酸寒富屋欺陶廬閑自愛顏
巷陋誰知螻蟻謀深穴鷓鴣占一枝各隨
其分足焉用有餘爲

自詠

細故隨緣盡形衰具體微闔閑僧尚開較
瘦鶴猶肥老遣寬裁襪寒教厚絮衣馬從
銜草驟雞任啄籠飛只要天和在無令物
性違自餘君莫問何是復何非
新亭未有客竟日獨向爲赴暖泥茶竈防
寒夾竹籬頭風初定後眼暗欲明時淺把

三分酒閑題數句詩應須置兩榻一榻待
公垂

閑卧寄劉同州

軟褥短屏風昏上醉卧翁鼻香茶熟後腰
暖日暘中伴老琴長在迎春酒不空可憐
閒氣味惟欠與君同

殘酌晚食

閑傾殘酒後煖擁小爐時舞看新翻曲歌
聽自作詞魚香肥潑火飯細滑流匙除却
慵饒外其餘盡不知

喜見劉同州夢得

紫綬白髭鬚同年二老夫論心共牢落見
面且歡娛酒好携來否詩多記得無應須
爲春草五馬少踟躕

裴令公席上贈夢得

年老官高多別離轉難相見轉難思雪銷

酒盡梁王起便是鄒枚分散時

尋春題諸家園林

聞健朝上出乘春處上尋天供閑日月人

借好園林漸以狂為態都無悶到心平生

身得所未省似而今

貌隨年老欲何如興遇春牽尚有餘遙見

人家花便入不論貴賤與親疎

滄浪峽水子陵灘路遠江深欲去難何似

家池通小院卧房堦下插魚竿

籬下先生時得醉甕間吏部暫偷眠何如

家醞雙魚榼雪夜花時長在前

鴛鴦怕捉竟難親鸚鵡雖籠不著人何似

家禽雙白鶴閑行一步亦隨身

老來生計

老來生計君看取白日遊行夜醉吟陶令

有田唯種黍鄧家無子不留金人間榮耀

因緣淺林下幽閑氣味深煩慮漸消虛白

長一年心勝一年心

三十六峯晴雪消嵐翠生月留三夜宿春

引四山行遠草初含色寒禽未變聲東巖

最高石唯有我題名

早春題少室東巖

眼重朝眠足頭輕宿酒醒陽光滿前戶雪

水半中庭物變隨天氣春生逐地形比簷

梅晚白東岸柳先青葱蘢抽羊角松巢墮

鶴翎老來詩更拙吟罷少人聽

歎春風兼贈李二十侍郎二絕

樹限雪盡催花發池岸冰消放草生唯有

鬚霜依舊白春風於我獨無情

道場齋戒今初畢酒伴歡娛又不同不把
一杯來勸我無情亦得似春風

春來頻與李二賓客郭外同遊因
贈長句

風光引步酒開顏送老銷春嵩洛間朝踏
落花相伴出暮隨飛鳥一時還我為病叟
誠宜退君是才臣豈合閑可惜濟時心力
在放教臨水復登山

二月二日新雨晴草芽菜甲一時生輕衫

細馬春年少十字津頭一字行

綠野堂開占物華路人指道令公家令公
桃李滿天下何用堂前更種花

清明日登老君閣望洛城贈韓道
士

風光烟火清明日歌哭悲歡城市間何事
不隨東洛水誰家又葬北邙山中橋車馬
長無已下渡舟航亦不閑塚墓累上人擾
擾遼東悵望鶴飛還

三月初三日

畫堂三月初三日絮撲紗窓燕拂簷蓮子
數杯嘗冷酒柘枝一曲試春衫塔臨池面
勝看鏡戶映花叢當下簾指點樓南翫新
月玉鈎素手兩纖上

雨中聽琴者彈別鶴操

雙鶴分離一何苦連陰雨夜不堪聞莫教
遷客嬌妻聽嗟嘆悲啼說殺君

酬鄭二司錄與李六郎中寒食相
過同宴見贈二人並是同年

偶因吟節會嘉賓况是平生心所親迎接
須矜踈傳老移供莫笑阮家貧盃盤狼籍

宜親夜風景闌珊欲過春相對喜歡還悵
望同年只有此三人

喜與楊六侍御同宿

岸憤靜言明月夜匡床閉卧落花朝二三
月裏饒春睡七八年來不早朝濁水清塵
難會合高鵬低鷄各道遙眼看又上青雲

去更卜同衾一兩宵

殘春詠懷贈楊慕巢侍郎

位逾三品日年過六旬時不道官班下其
如筋力衰猶憐好風景轉重舊親知少壯
難重得歡娛且強為興來池上酌醉出袖
中詩靜話開襟久閑吟放盞遲落花無限
雪殘髮幾多絲莫說傷心事春翁易酒悲
閑泊池舟靜掩扉老身慵出客來稀愁因
暮雨留教住春被殘鶯喚遣歸揭甕偷嘗

新熟酒開箱試著舊生衣冬裘夏葛相催
促垂老光陰速似飛

宿雨洗天津無泥未有塵初晴迎早夏落
照送殘春興發詩隨口狂來酒寄身水邊

行嵬峩橋上立途巡疎傳心情老吳公政
化新三川徒有主風景屬閑人

青苔地上銷殘暑綠樹陰前逐晚涼輕履
單衣薄紗帽淺池平岸藤牀簪纓怪我

情何薄泉石請君味甚長偏問交親為老
計多言宜靜不宜忙

窓間睡足休高枕水畔閑來上小船棹遣
禿頭奴子撥茶教纖手侍兒煎門前便是
紅塵地林外無非赤日天誰信好風清簟
上更無一事但脩然

香山避暑二

六月灘聲如猛雨香山樓北暢師房夜深
起凭欄杆立滿耳潺湲滿面涼
紗巾草履竹疎衣晚下香山蹋翠微一路
涼風十八里卧乘籃輦睡中歸

老夫

七八年來遊洛都三分遊伴二分無風前
月下花園裏處處唯殘箇老夫世事勞心
非富貴人生實事是歡娛誰能逐我來閑
坐時共酣歌傾一壺

香山下卜居

老須為老計老計在抽簪山下初投足人
間久息心亂籐遮石壁絕澗護雲林若要
深藏處無如此處深

無長物

莫話家居窄無嫌活計貧只緣無長物始

得作閑人青竹單床篔簹烏紗獨幅巾其餘
皆稱是亦足奉吾身

宿香山寺酬廣陵牛相公見寄來

詩云唯羨東都白居易士月明香

積問禪師時牛相三表乞退有
詔不許

手札入行詩一篇無由相見但依然君臣
聖主方行道我事空王正坐禪支許徒思
遊白月夔龍未放下青天應須且為蒼生
住猶去懸車十四年

以詩代書寄戶部楊侍郎勸買東
隣王家宅

勸君買取東隣宅與我衡門相並開雲映
嵩峯當戶牖日和伊水入池臺林園亦要
聞閑置筋力應須及健迴莫學因循白賓
客欲年六十始歸來

上客清談何豐贈談客七幽人閑思自寥七諸君
休說長安事初入香山院對月風清琴正調

老住香山初到夜秋逢白月正圓時從今
便是家山月試問清光知不知

東岸菊叢題龍門堰西澗柳陰煙合菊花開一條

秋水琉璃色闊狹纔容小舫迴除却悠七

白少傅何人解入此中來秋霖中奉裴令公見招早出赴會
馬上先寄六韻

雨暗三秋日泥深一尺時老人平旦出自

問欲向之不是尋醫藥非干送別離素書
傳好語絳帳赴佳期續借桃花馬催迎揚
柳姬只愁張錄事罰我恠來遲

露白月微八月三日夜作天涼景物清草頭珠顆冷

角玉鈎生氣爽衣裳健風疎砧杵鳴夜衾

香有思秋簾冷無情夢短眠頻覺宵長起

暫行燭凝臨曉影蟲怨欲寒聲槿老花先
盡蓮凋子始成四時無了日不用嘆衰榮

頭痛牙疼三日卧妻看煎藥婢來扶今朝

似較搥頭語先問南隣有酒無

軟綾腰褥薄綿被涼冷秋天穩暖身一室
曉眠殊有味無因寄與早朝人

涼冷三秋秋夜安閑一老翁卧遲燈滅後睡

美雨聲中灰宿温瓶火香添暖被籠曉晴
寒未起霜葉滿堦紅

喜夢得自馮翊歸洛兼呈令公
上客新從左輔迴高陽興助洛陽才已將
四海聲名去又占三春風景來甲子等頭
憐共老文章敵手莫相猜鄒枚未用爭詩
酒且飲梁王賀喜盃

齋戒滿夜戲招夢得

紗籠燈下道場前白日持齋夜坐禪無復
更思身外事未能全盡世間緣明朝又擬
親盃酒今夕先聞理管絃方丈若能來問
疾不妨兼有散花天

和令公問劉賓客歸來稱意無之作

水南秋一半風景未蕭條皂蓋迴沙苑藍
輦上洛橋閑嘗黃菊酒醉唱紫芝謠稱意
那勞問請錢不早朝
酬夢得窮秋夜坐即事見寄

燭細燈將盡聲遙漏正長老人秋向火小
女夜縫裳菊悴籬經雨萍銷水得霜今冬
暖寒酒先擬共君嘗

偶於洛陽牛相公處覓得箏七未到先寄詩來走筆戲答來詩云但愁封寄去魔物或驚禪

楚匠饒巧思秦箏多好音如能惠一面何
啻直雙金玉柱調須品朱絃染要深會教

魔女弄不動是禪心
答夢得秋庭獨坐見贈

林梢隱映夕陽殘庭際蕭疎夜氣寒霜草
欲枯蟲思急風枝未定鳥棲難容衰見鏡
同惆悵身健逢盃且喜歡應是天教相暖
熱一時垂老與閑官

長齋月滿携酒先與夢得對酌醉
中同赴令公之宴戲贈夢得

齋宮前日滿三旬酒榼今朝一拂塵乘興
還同訪戴客解醒仍對姓劉人病心湯沃
寒灰活老面花生朽木春若怕平原怪先
醉知君未慣吐車茵

奉酌淮南牛相公思黯見寄二十四韻每對雙關分叙兩意

白老忘機客牛公濟世賢鷗棲心戀水鵬
舉翅摩天累就優閑秩連擗造化權貧司
其蕭洒榮路自喧闐望苑三千日台階十
五年人皆弃忘何物不陶甄籃舉遊嵩
嶺油幢鎮海壖竹篙撐釣艇金甲擁樓船
雪夜尋僧舍春朝列妓筵長齋儼香火密
宴簇花鈿自覺閑勝閑遙知醉笑禪是非
分未定會合杳無緣我正思楊府君應望
洛川西來風嫋七南去鴈連七日落龍門
外潮生瓜埠前秋同一時盡日共兩鄉圓

舊眷交歡在新文氣調全慙無白雪曲難
荅碧雲篇金谷詩誰賞蕪城賦衆傳珠應
晒魚日鉛未伏龍泉遠許驚魔物深情寄
酒錢霜紈一百匹玉柱十三絃楚醴來樽
裏秦聲送耳邊何時紅燭下相對一陶然
吳秘監每有美酒獨酌獨醉但蒙
詩報不以飲招輒此戲酌兼呈夢
得

蓬山仙客下烟霄對酒唯吟獨酌謠不怕
道狂揮玉爵亦曾乘興換金貂君稱名士
誇能飲我是愚夫肯見招賴有伯倫為醉
伴何愁不解傲松喬

醉夢得霜夜對月見懷

凄清冬夜景搖落長年情月帶新霜色
和遠鴈聲暖憐爐近火寒覺被衣輕枕上
酌佳句詩成夢不成

初冬月夜得皇甫澤州手札并詩
數篇因遣報書偶題長句

清冷玉韻兩三章
落箔銀鈎七八行
心逐報書懸鴈足
夢尋來路繞羊腸
水南地空多明月
山北天寒足早霜
最恨潑醅新熟酒
迎冬不得共君嘗

新雪對新酒
憶同傾一盃
自然須訪戴
不必待延枚
陳榻無辭解
表門莫懶開
笙歌與談咲
隨分自將來

醉令公雪中見贈訝不與夢得同

雪似鵝毛飛散亂
人披鶴氅立徘徊
鄒生枚叟非無與
唯待梁王召即來

題酒甕贈夢得

若無清酒兩三甕
爭向白鬚千萬莖
麴蘖

銷愁真得力
光陰催老苦
無情凌烟閣
上功無分伏火
爐中藥未成
更擬共君何處去
且來同作醉先生

迂叟

一辭魏闕就商賓
散地閑居八九春
初時被目為迂叟
近日蒙呼作隱人
冷暖俗情諳世路
是非閑論任交親
應須繩墨機關外
安置踈愚鈍滯身

洛下閑居寄山南令狐相公

已收身向園林下
猶寄名於祿仕間
不鍛嵇康彌懶靜
無金踈傳更貧閑
支分門內餘生計
謝絕朝中舊往還
唯是相君未忘得
時思漢水夢巴山

惜春贈李尹

春色有時盡
公門終日忙
兩衙但不缺
一醉亦何妨
芳樹花團雪
衰翁鬢撲霜
知君

倚年少未苦惜風光
對酒勸令公開春遊宴

時泰歲豐無事日
功成名遂自由身
前頭更有忘憂日
向上應無快活人
自去年來多事故
從今日去少交親
宜須數上謀歡會
好作開成第二春

山東纔副蒼生願
川上俄驚逝水波
履道凄涼新第宅
宣城零落舊笙歌
園荒惟有薪堪採
門冷兼無雀可羅
今日相隨偶同到
傷心不是故經過

楊六尚書新授東川節度使代妻
戲賀兄嫂二絕
劉綱與婦共昇仙
弄玉隨夫亦上天
何似沙歌領崔嫂
碧油幢引向東川
金花銀碗饒君用
罨畫羅衣儘嫂裁
覓得

黔婁為妹婿
閑遊即事
能空寄蜀茶來

郊野遊行熟村園
次第過驀山尋
澗路不渡伊河寒
食青上草春風
瑟上波逢人
共盃酒隨馬有
笙歌勝事經非
少芳辰過亦多
還須自知分不
老擬如何

六十六

七十欠四歲
此生那足論
每因悲物故
還且喜身存安
得頭長黑爭
教眼不昏
交遊成拱木
婢僕見曾孫
瘦覺腰金重
衰憐鬢雪繁
將何理老病
應付與空門
池上早春即事
招夢得

老更驚年改
閑先覺日長
晴薰榆莢黑
春染柳梢黃
雲破山呈色
冰融水放光
低平穩船舫
輕暖好衣裳
白角三升盞
紅茵六尺牀
偶遊難得伴
獨醉不成狂
我有中心

樂君無外事忙經過莫慵懶相去兩三坊
因夢得題公垂所寄蠟燭因寄公

垂

照梁初日光相似出水新蓮艷不如却寄
兩條君領取明年雙引入中書
令公南庄花柳正盛欲偷一賞先

寄二篇

最憶樓花千萬朵偏憐堤柳兩三株擬提
社酒携村妓擅入朱門莫怪無
可惜亭臺閑度日欲偷風景暫遊春只愁
花裏鶯饒舌飛入宮城報主人

春夜宴席上戲贈裴淄州

九十不衰真地仙六旬猶健亦天憐今年
相遇鶯花月此夜同歡歌酒筵四座齊聲
和絲竹兩家隨分聞金鈿留君到曉無他
意圖向君前作少年

贈夢得

年顏老少與君同眼未全昏耳未聾放醉
卧為春日伴趁歡行入少年叢尋花借馬
煩川守弄水偷船惱令公聞道洛城人盡

恠呼為劉白二狂翁

晚春欲携酒尋沈四著作作先以六

韻寄之

病容衰慘淡芳景晚蹉跎無計留春得爭
能柰老何篇章慵報答杯謀喜經過顧我
酒狂久負君詩債多敢辭携綠蠹只願見
青娥最憶陽關唱真珠一串歌

開成二年三月三日河南尹李待

價以人和歲稔將禊於洛濱前一

日啓留守裴令公上明日召太子

少傅白居易太子賓客蕭籍李仍

叔劉禹錫前中書舍人鄭居中國

子司業裴暉河南少尹李道樞倉部郎中崔晉司封員外郎張可績駕部員外郎盧言虞部員外郎苗愔和州刺史裴儔淄州刺史裴洽檢校禮部員外郎楊魯士四門博士談弘謩等一十五人合宴于舟中由斗亭歷魏堤抵津橋登臨沂沿自晨及暮簪組交映歌笑間發觴望之若仙觀者如堵盡風光之賞極遊泛之娛美景良辰賞心樂事盡得於今日矣若不記錄謂洛無人晉公首賦一章鏗然玉振顧謂四座繼而和之居易舉酒抽毫奉十二韻以獻

三月草萋

黃鶯歌又啼柳橋晴有絮沙

路潤無泥襖事脩初半遊人到欲齊金鈿耀桃李綠管駭鳧鷺轉岸迴船尾臨流簇馬蹄開於楊子渡踏破魏王堤妓接謝公宴詩陪荀令題舟同李膺泛醴為穆生携水引春心蕩花牽醉眼迷塵街從鼓動烟樹任鴉栖舞急紅腰凝歌遲翠黛低夜歸何用燭新月鳳樓西

同夢得寄賀東西川二楊尚書

龍節對持真可愛鴈行相接更堪誇兩川風景同三月千里江山屬一家魯衛定知聯氣色潘楊亦覺有光華應憐洛下分司伴冷宴閑遊老看花

喜小樓西新柳抽條

一行弱柳前年種數尺柔條今日新漸欲拂他騎馬客未多遮得上樓人須教碧玉羞眉黛莫與紅桃作麴塵為報金堤千萬

樹饒伊未敢苦爭春
曉春酒醒尋夢得

料合同凋悵花殘酒亦殘
醉心忘老易醒
眼別春難獨出雖慵懶
相逢定喜歡還携

小蠻去試覓老劉看
感事
小蠻酒榼名也

服氣崔常侍燒丹鄭舍人
常期生羽翼那
忽化為塵每遇凄涼事
還思潦倒身唯知

赴盃酒不解鍊金銀
睡適三尸性慵安五
臧神無憂亦無喜
六十六年春

和裴令公南庄一絕
裴詩云野人
不識中書令喚作陶家與謝家

陶廬僻陋那堪比
謝墅幽微不足攀
何似
高峯三十六長隨
申甫作家山

宅西有流水墻下構
小樓臨翫之時
頗有幽趣因命歌
酒聊以自娛

伊水分來不自由
無人解愛為誰流
家七

拋向牆根底唯我
栽蓮起小樓
水色波文何所似
麴塵羅帶一條斜
莫言

羅帶春無主自置
樓來屬白家
日灩水光搖素壁
風飄樹影拂朱欄
皆言

此處無絃管試奏
霓裳一曲看
霓裳奏罷唱梁州
紅袖斜翻翠黛愁
應是

遙聞勝近聽行人
欲過盡迴頭
獨醉還須得歌舞
自娛向必要親賓
當時

一部清商樂亦不
長將樂外人
偶作

籃舁出即忘歸舍
柴戶昏猶未掩
關聞客
病時慙體健見人
忙處覺身閑
清涼秋寺

行香去和暖春城
拜表還木鴈一篇
須記
取致身才與不才
間

同夢得訓牛相公初到洛中小飲見贈

淮南揮手拋紅旆洛下迴頭向白雲政事
堂中老丞相制科場裏舊將軍宮城煙月
鏡全占關塞風光請半分詩酒放狂猶得
在莫欺白叟與劉君

幽居早秋閑詠

幽僻囂塵外清涼水木間卧風秋拂簟步
月夜開關且得身安泰從他世險艱但休
爭要路不必入深山軒鶴留何用泉魚放
不還誰人知此味臨老十年間

和令狐僕射小飲聽阮咸

掩抑復淒清非琴不是箏還彈樂府曲別
占阮家名古調何人識初開滿座驚落盤
珠歷七搖珮玉瑋七似勸孟中物如含林
下情時移音律改豈是昔時聲

燒藥不成命酒獨醉

白髮逢秋王丹砂見火空不能留姹女爭
免作衰翁賴有盃中綠能為面上紅少年
心不遠只在半酣中

送盧郎中赴河東裴令公幕

別時暮雨洛橋岸到日涼風汾水波荀令
見君應問我為言秋草閉門多

送李滁州

君於覺路深留意我亦禪門薄致功未悟
病時須去病已知空後莫依空白衣卧疾
嵩山下皂蓋行春楚水東誰道三年千里
別兩心同在道場中

長齋月滿寄思黯

一日不見如三月一月相思如七年似隔
山河千里地乃拘風雨九秋天明朝齋滿
相尋去挈榼抱衾同醉眠

霜殺中庭草冰生後院池春風空動樹無
葉可辭枝十月苦長夜百年強半時新開
一瓶酒那得不相思

除夜對酒
衰翁歲除夜對酒思悠然草白經霜地雲
黃無雪天醉依香枕坐慵傍暖爐眠洛下
閑來又明朝是十年

白氏長慶集卷之三十三

白氏長慶集卷第三十四

司徒令公分守東洛移鎮北都一

心勤王三月成政形容盛德實在

歌詩况辱知音敢不先唱輒奉五

言四十韻寄獻以抒下情

天上中台正人間一品高休明值堯舜勳

業過蕭曹始擅文三捷終兼武六韜動人

名赫上憂國意切二盪蔡擒封豕平齊斬

巨鰲兩河收土宇四海定波濤寵重移宮

晉國封疆闕并州士馬豪胡兵警赤幟邊
鴈避烏號令下流如水仁霑澤似膏路喧
歌五袴軍醉感單醪將校森貔武賓僚儼
俊髦客無煩夜柝吏不犯秋毫神在臺駘
助魂亡獫狁逃德星銷李彗霖雨滅腥臊
烽戍高臨代關河遠控洮汾雲晴漠上朔

吹冷颺上豹尾交衙戟蚪鬚捧佩刀通天
白犀帶照地紫麟袍羌管吹楊柳燕姬酌
葡萄銀含鑿落盞金屑琵琶槽遙想從軍
樂應忘報國勞紫微留北闕綠野寄東臯
忽憶前時會多慙下客叨清宵陪讌話羨
景從遊遨花月還同賞琴詩雅自操朱絃
沸宮徵洪筆振風騷近竹開方丈依林架
桔槔春池八九曲畫舫兩三艘逕滑苔粘
履潭深水沒篙綠絲縈岸柳紅粉映樓桃
為穆先陳醴招劉共籍糟舞髮金翡翠歌
頌王蟻螯盛德終難退明時豈易遭公雖
慕張范帝未捨伊臯眷戀心方結踟躕首
已搔鸞凰上寥廓燕雀住蓬蒿欲獻文狂
簡徒煩思鬱陶可憐四百字輕重抵鴻毛
和東川楊慕巢尚書府中獨坐感
戚在懷見寄十四韻慕巢感戚

虔州弟喪逝感已之蒙盛有歸洛
之意故叙而和之也

我是知君者君今意若何窮通時不定苦
樂事相和東蜀歡殊渥西江嘆逝波只綠
榮貴極翻使感傷多行斷風驚鴈年侵日
下坡片心休慘戚雙鬢已蹉跎紫綬黃金
印青幢白玉珂老將榮補帖愁用道消磨
外府饒盃酒中堂有綺羅應須引滿飲何
不放狂歌錦水通巴峽香山對洛河將軍
馳鐵馬少傳步銅駝深契憐松竹高情憶
薜蘿懸車年甚遠未敢放相過

後狂吟偶成十韻因招夢得賓客
兼呈思黯竒章公

性與時相遠身將世兩忘寄名朝士籍寓
興少年場老豈無談笑貧猶有酒漿隨時

求伴侶逐日用風光數_七遊何爽些_七病未妨天教榮啓樂人恕接輿狂改業爲逋客移家住醉鄉不論招夢得兼擬誘_音章要路風波險權門市井忙世間無可戀不
是不思量

小歲日喜談氏外孫女孩滿月

今日夫妻喜他人豈得知自嗟生女晚敢訝見孫遲物以稀爲貴情因老更慈新年逢吉日滿月乞名時桂燎熏花果蘭湯洗玉肌懷中有可抱何必是男兒

閑吟贈皇甫郎中親家翁

誰能嗟嘆光陰暮豈復憂愁活計貧忽_七不知頭上事時_七猶憶眼中人早爲良友非交勢晚接嘉姻不失親最喜兩家婚嫁畢一時抽得尚平身
夢得因病携酒相尋先以此寄

病來知少客誰可以爲娛日晏開門未秋寒有酒無自宜相慰問何必待招呼小疾無妨飲還須挈一壺

訓思黯戲贈

鍾乳三千兩金釵十二行妬他心似火欺我髮如霜慰老資歌笑銷愁仰酒漿眼看狂不得狂得且須狂

又戲荅絕句來詩云不是道公狂

狂夫與我世相忘故態些_七亦不妨縱酒放歌聊自樂接輿爭解教人狂

令狐相公與夢得交情素深眷予

分亦不淺一聞薨逝相顧_音然旋有使來得前月未歿之前數日書及詩寄贈夢得哀吟悲嘆寄情於詩_七成示予感而繼和

緘題重疊語殷勤存歿交親自此分前月
使來猶理命今朝書到是遺文銀鈞見晚
書無報玉樹埋深哭不聞最感一行絕筆
字尚言千萬樂天君

洛下雪中頻與劉李二賓客宴集
因寄汴州李尚書

水南水北雪紛上雪裏歡遊莫厭頻日
暗來唯老病年上少去是交親碧氈帳煖
梅花濕紅燎爐香竹葉春今日鄒枚俱在
洛果園置酒召何人

看夢得題答李侍郎詩中有文
星之句因戲和之

看題錦綉報瓊瓊俱是人天第一才好遣
文星守躔次亦須防有客星來

祿俸優饒官不卑就中閑適是分司風光

暖助遊行處雨雪寒供飲燕時肥馬輕裘
還且有瓮歌薄酒亦相隨微躬所耍今皆
得只是蹉跎得校遲

戲荅思黯思黯有能箏者以此戲

何時得見十三絃待取無雲有月天願得
金波明似鏡上中照出月中仙

訓裴令公贈馬相戲裴詩云君若
有心求逸足我還留意在名姝蓋
引妾換馬戲意有所屬也

安石風流無柰何欲將赤驥換青娥不辭
便送東山去臨老何人與唱歌

新歲贈夢得

暮齒忽將及同心私自憐漸衰宜減食已
喜更加年紫綬行聯袂籃輦出比肩與君
同甲子歲酒合誰先

正月晴和風景新
紛上已有醉遊人
帝城花笑長齋客
二十年來要早春

戲贈夢得兼呈思黯

雙鬢莫欺今老矣
一盃莫笑便陶然
陳郎中處為高戶
裴使君前作少年
顧我獨狂多自哂
與君同病最相憐
月終齋滿誰開
素須擬竒章置一筵

早春憶遊思黯南庄因寄長句

南庄勝處心常憶
借問軒車早晚遊
美景難忘竹廊下
好風爭柰柳橋頭
冰消見水多於地
雪霽看山盡入樓
若待春深始同賞
鶯殘花落却堪愁

訓皇甫十早春對雪見贈

漠上復霽東風散
玉塵明催竹窓曉
寒退柳園春綠醕
香堪憶紅爐暖可親
忍心

三兩日莫作破齋人
奉和思黯自題南庄見示兼呈夢

得

謝家別墅最新奇
山展屏風花夾籬
曉月漸沉橋脚底
晨光初照屋梁時
臺頭有酒鶯呼客
水面無塵風洗池
除却吟詩兩閑客
此中情狀更誰知

送蘄春李十九使君赴郡

可憐官職好文詞
五十專城未是遲
曉日鏡前無白髮
春風門外有紅旗
郡中何處堪携酒
席上誰人解和詩
唯共交親開口笑
知君不及洛陽時

自題酒庫

野鶴一辭籠虛舟
長任風送愁還閑
處移老入閑中身
更求何事天將富
此翁此翁何處富
酒庫不曾空

不知楊六逢寒食寄揚東川
寒食日寄揚東川
作底歡娛過此辰
堯率

寺高宜望月嘉陵江近好遊春
蠻旗似火
行隨馬蜀妓如花坐遶身
不使黔婁夫婦

看誇張富貴向何人
醉後聽唱桂華曲
詩云遙知天上

桂花孤試問嫦娥更有無
月中幸
有閑田地何不中央種
兩株此曲

韻怨切聽輒感人故云耳
桂華詞意苦丁寧唱到嫦娥醉便醒
此是

世間腸斷曲莫交不得意人聽
酬夢得以子五月長齋延僧徒絕

賓客懶逢迎
脩然池館清
簷喧空燕語林

靜未蟬鳴葦血還休食盃觴亦罷
傾三春
多放逸五月暫脩行香印朝煙細紗燈夕

燭明交遊諸長老師事古先生
禪後心彌
寂齋來體更輕不唯忘肉味兼擬減風清

蒙以聲聞待唯將戲論爭虛名
若有佛靈
運恐先成

奉和裴令公三月上巳日遊太原
龍泉憶去歲襖洛見示之作依來

去歲暮春上巳共泛洛水中
流今歲暮春
體

上巳獨立香山頭風光閑寂
旌旆遠
悠比丞相府歸晉國太行山
嶺并州鵬背

負天龜曳尾雲泥不可得同遊
晉水二池

舊有潢汙泊今為白水唐笙歌聞四面
樓閣在中央春變煙波色晴添樹木光
龍泉

信為美莫忘午橋庄
早夏曉興贈夢得

窗明簾薄透朝光
臥整巾簪起下床
背壁燈殘經宿燭
開箱衣帶隔年香
無情亦任他
春去不醉爭銷得
日長一部清商一壺
酒與君明日暖新堂

危亭絕頂四無鄰
見盡三千世界春
但覺虛空無障礙
不知高下幾由旬
迴看官路三條線
却望都城一片塵
賓客暫遊無半日
王侯不到便終身
始知天造空閑境
不為忙人富貴人

奉和思黯相公以李蘇州所寄太湖石竒狀絕倫因題二十韻見示

錯落復崔嵬
蒼然玉一堆
峯駢仙掌出
罅坼劍門開
峭頂高危矣
根盤下壯哉
精神欺竹樹
氣色壓亭臺
隱起磷砒狀
凝成瑟瑟

瑟瑟胚廉稜
露鋒刃清越
叩瓊瑰
岁葉形將動
巍峩勢欲摧
竒應漸鬼恠
靈合蓄雲雷
黛潤霑新雨
班明點古苔
未曾棲鳥雀
不肯染塵埃
尖削琅玕筍
窪刻瑪璃壘
海神移碣石
畫幃簇天台
在世爲尤物
如人負逸才
渡江一葦載
入洛五丁推
出處雖無意
升沉亦有媒
拔從水府底
置向相庭隈
對稱吟詩句
看宜把酒盃
終隨金礪用
不學玉山頽
疎傳心偏愛
園公眼屢迴
共嗟無此分
虛管太湖來

新晴夏景好
復此池邊地
烟樹綠含滋
水引風清有味
便成林下隱
都忘門前事
騎吏晚夏閑
居絕無賓客
欲尋夢得先
寄此詩

魚笥朝餒飽蕉紗暑服輕欲為窓下寢先
傍水邊行晴引鶴雙舞秋生蟬一聲無人
解相訪有酒共誰傾老更諳時事閑多見
物情只應劉與白二叟自相迎

寄李蘄州

下車書奏龔黃課動筆詩傳鮑謝風江郡
謳謠誇杜母洛城歡會憶車公笛愁春盡
梅花裏簾冷秋生薤葉中不道蘄州歌酒
少使君難稱與誰同

憶江南詞三首

江南好風景舊曾諳日出江花紅勝火春
來江南水綠如藍能不憶江南
江南憶最憶是杭州山寺月中尋桂子郡
亭枕上看潮頭何日更重遊
江南憶其次憶吳宮吳酒一盃春竹葉吳
娃雙舞醉芙蓉早晚復相逢

暮去朝來無歇期炎涼暗向雨中移夜長
祗合愁人覺秋冷先應瘦客知兩幅彩牋
揮逸翰一聲寒玉振清辭無憂無病身榮
貴何故沉吟亦感時

父雨閑悶對酒偶吟

妻上苦雨暗銅駝孀七涼風起漕河自夏
及秋晴日少從朝至暮悶時多鷺臨池立
窺魚笥隼傍林飛拂雀羅賴有盃中神聖
物百憂無柰十分何

雨後秋涼

夜來秋雨後秋氣颯然新圓扇新辭手生
衣不著身更添砧引思難與簾相親此境
誰偏覺貧閑老瘦人

酬夢得早秋夜對月見寄

吾衰寡情趣君病懶經過其柰西樓上新

秋明月何庭蕪
淒白露池色澹
金波况是初涼
夜東城砧杵多

題謝公東山障子

賢愚共在浮生內
貴賤同趨羣動間
多見忙時已衰病
少聞健日肯休閑
鷹飢受縶從難退
鶴老乘軒亦不還
唯有風流謝安

石拂衣携妓入東山
謝楊東川寄衣服

年上衰老交遊少
處上蕭條書信稀
唯有巢兄不相忘
春茶未斷寄秋衣

詠懷寄皇甫朗之

老大多情足往還
招僧待客夜開關
學調氣後衰中健
不用心來悶處閑
養病未能辭薄俸
忘名何必入深山
與君別有相知

分同置身於木鷓間
東城晚歸

一條筇杖懸龜榼
雙角吳童控馬銜
晚入東城誰識我
短靴低帽白蕉衫

少時猶不憂生計
老後誰能惜酒錢
共把

十千沽一斗
相看七十欠三年
閑徵雅令窮經史
醉聽清吟勝管絃
更待菊黃家醞

熟共君一醉一陶然
與牛家妓樂雨夜合宴

玉管清絃聲倚旋
翠釵紅袖坐參差
兩家合奏洞房夜
八月連陰秋雨時
歌臉有情疑睇
又舞腰無力轉裙
遲人間歡樂無過
此上界西方即不知

和楊六尚書喜兩弟漢公轉吳興
魯士賜章服命賓開宴用慶恩榮

華筵賀客日紛
七劍外歡娛洛下
聞朱紱賦長句見示

意難和樂助填筮酒易醺感羨料應知我
意今生此事不如君

自詠

鬚白面微紅醺上半醉中百年隨手過萬
事轉頭空卧疾瘦居士行歌狂老翁仍聞
好事者將我畫屏風

夢得相過援琴命酒因彈秋思偶

詠所懷兼寄繼之待價二因府

閑居靜侶偶相招小飲初酣琴欲調我正

風前弄秋思君應天上聽雲韶時和始見

陶鈞力物遂方知盛聖朝雙鳳栖梧魚在

藻飛沉隨分各逍遙

九月八日酬皇甫十見贈

君方對酒綴詩章我正持齋坐道場處上
追遊雖不去時上吟詠亦無妨霜蓬舊髮

三分白露菊新花一半黃惆悵東籬不同
醉陶家明日是重陽

慕巢尚書上云室人欲為置一歌
者非所安也以詩相報因而和之

東川已過二三春南國須求一兩人富貴
大都多老大歡娛太半為親實如愁翠黛

應堪重買笑黃金莫訴貧他日相逢一杯
酒樽前還要落梁塵

杪秋獨夜

無限少年非我伴可憐清夜與誰同歡娛
牢落中心少親故凋零四面空紅葉樹飄
風起後白鬚人立月明中前頭更有蕭條

物老菊衰蘭三兩叢

憑李睦州訪徐凝山人

郡守輕詩客鄉人薄釣翁解憐徐處士唯
有李郎中

江南故吏別來久今日池邊識我無不獨
使君頭以雪華亭鶴死白蓮枯
得揚湖州書頗誇撫民接賓縱酒

豈獨愛民兼愛客不唯能飲又能文白蘋
題詩因以絕句戲之

洲上春傳語柳使君輪楊使君
天宮閣秋晴晚望

洛城秋霽後梵閣暮登時此日風烟好今
秋節候遲霞光紅泛灩樹影碧參差莫慮

言歸晚牛家有宿期
訓夢得暮秋晴夜對月相憶

霽月光如練盈庭復滿池秋深無熱後夜
淺未寒時露葉團荒菊風枝落病梨相思

懶相訪應是各年衰
同夢得和思黯見贈來詩中先叙

三人同燕之歡次有歎髮髮漸
嫌孫子催老之意因繼妍唱

醉伴騫匕白與劉何朝何夕不同遊留連
燈下明猶飲斷送樽前倒即休催老莫嫌

孫稚長加年須喜髮毛秋教他伯道爭存
活無子無孫亦白頭

聽歌
管妙絃清歌入雲老人合眼醉醺匕誠知

不及當年聽猶覺聞時勝不聞
三年冬隨事鋪設小堂寢處稍似

小宅非全穩暖因念衰病偶吟所懷
穩暖因念衰病偶吟所懷

久時妻兒煖帳迎冬設温爐向夜施裘新
青兔褐襦軟白猿皮似鹿眠深草如雞宿

穩枝逐身安枕席隨事有屏帷病致衰殘
早貧營活計遲由來蚤老後方是蠶成時

青檀帳煖喜微雪紅地爐深宜早寒走筆
小詩能和否潑醅新酒試嘗看僧來乞食
因留宿客到開樽便共懽臨老交親零落
盡希君恕我取人寬

自罷河南已換七尹每一入府帳
然舊遊因宿內廳偶題西壁兼呈
韋尹常

每入河南府依然以到家盍嘗七拜酒樹
看十年花且健酒懽喜雖衰莫歎嗟迎門
無故吏侍坐有新娃暖問謀宵宴寒庭放
晚衙主人留宿定一任夕陽斜

天寒晚起引酌詠懷寄許州王尚
書汝州李常侍

葉覆水池雪滿山日高慵起未開關寒來
更亦無過醉老後何由可得閑四海故交

唯許汝十年貧健是樊蠻相思莫忘櫻桃
會一放狂歌一破顏

四年春

柳梢黃嫩草芽新又入開成第四春近日
放慵多不出少年嫌老可相親分司吉傅
頻過舍致仕崔卿擬卜鄰時輩推遷年事
到往還多是白頭人

白髮

白髮生來三十年而今鬚髮盡皓然歌吟
終日如狂叟衰疾多時侶瘦仙八戒夜持
香火印三元朝念藥珠篇其餘便被春收
拾不作閑遊即醉眠

追歡偶作

追懽逐樂少閑時補帖平生得事遲何處
花開會後看誰家酒熟不先知石樓月下
吹蘆管金谷風前舞柳枝十聽春啼變鶯

舌三嫌老醜換娥眉樂天一過難知分猶
自咨嗟兩髮絲

公垂尚書以白馬見寄光潔穩善
以詩謝之

翻上白馬稱金羈領綴銀花尾曳絲毛色
鮮明人盡愛性靈馴善主偏知免將妾換
慙來處試使奴牽欲上時不蹶不驚行步
穩最宜山簡醉中騎

西樓獨立

身著白衣頭似雪時已醉立小樓中路人
迴顧應相怪十一年來見此翁

書中詠懷

官俸將生計雖貧豈敢嫌金多輸陸賈酒
足勝陶潛床暖僧趺坐樓晴妓捲簾日遭
齋破用春賴閨加漆老向懽彌切狂於飲
不廉十年閑未足亦恐涉無厭

杜康能散悶萱草解忘憂借問萱逢杜何
如白見劉老衰勝少天閑樂忙笑愁試問

同年内何人得白頭

問皇甫十

苦樂心由我窮通命任他坐傾張翰酒行
唱接輿歌榮盛傍看好優閑自適多知君
能斷事勝負兩如何

早春獨登天宮閣

天宮日暖閣門開獨上迎春飲一盃無限
遊人遙怪我緣何最老最先來

送蘇州李使君赴郡二絕句

意拋印綬辭吳郡衰病當時已有餘今日
賀君兼日喜八迴看換舊銅魚

館娃宮深春日長烏鵲橋高秋夜涼風月
不知人世變奉君直似奉吳王

長洲曲新詞
茂苑綺羅佳麗地
女湖桃李艷陽時
心奴已死胡容老
後輩風流是阿誰

白氏長慶集卷之三十四

白氏長慶集卷之三十五
病中詩十五首
并序

開成己未歲余蒲柳之年六十有八冬十月甲寅旦始得風痺之疾體環目眩左足不支蓋老病相乘時而至耳余早棲心釋梵浪跡老莊因疾觀身果有所得何則外形骸而內志憂患先禪觀而後順鑿治旬月以還厥疾少間杜門高枕澹然安閑吟諷興來亦不能退因成十五首題為病中詩且貽所知兼用自廣昔劉公幹病漳浦謝康樂卧臨川咸有篇章杼詠其志今引而序之者慮不知我者或加誚焉

初病風
六十八衰翁乘衰百病攻朽株難免蠹空穴易來風肘痺宜生柳頭旋劇轉蓬恬然不動處虛白在胸中

枕上作

風疾侵凌臨老頭血凝筋帶不調柔甘從
此後支離別賴是從前爛熳遊迴思往事
紛如夢轉覺餘生香若浮浩氣自能充靜
室驚飈何必蕩虛舟腹空先進松花酒膝
冷重裘桂布裘若問樂天憂病否樂天知
命了無憂

荅閑上人來問因何風疾

一床方丈向陽開勞動文殊問疾來欲界
凡夫向足道四禪天始免風災

病中六絕

世間生老病相隨此事心中久自知今日
行年將七十猶須慙愧病來遲
方寸成灰髮作絲假如強健亦何為家無
憂累身無事正是安閑好病時
李君墓上松應拱元相池頭竹盡枯多辛

樂天始病不知合要苦治無

目昏思寢即安眠足軟妨行便坐禪身作

醫王心是藥不勞和扁到門前

交親不要苦相憂亦擬時時強出遊但有

心情何用脚陸乘肩輿水乘舟

登山臨水分無期泉石烟霞今屬誰君到

嵩陽吟此句與君三十六峯知

罪矣

病身佛說將何喻變滅須臾豈不聞莫遣
淨名知我笑休將火艾灸浮雲

賣駱馬

五年花下醉騎行臨賣迴頭嘶一聲項籍
顧驩猶解歡樂天別駱豈無情

別柳枝

兩枝楊柳小樓中嫋娜多年伴醉翁明日
放歸去後世間應不要春風

就煖偶酌戲諸詩酒舊侶

低屏軟褥卧藤牀昇向前軒就日陽一足

任他為外物三盃自要沃中腸頭風若見

詩應愈齒折仍誇笑不妨細酌徐吟猶得

在舊遊未必便相忘

歲暮呈思黯相公皇甫朗之及夢

得尚書

歲暮皤然一老夫十分流輩九分無莫嫌

身病人扶侍猶勝無身可遣扶

房傳性世為禪客王道前生應盡師我亦

定中觀宿命多生債負是歌詩不然何故

狂吟詠病後多於未病時

歲暮病懷贈夢得

十年四海故交親零落唯殘兩病身共遣

數奇從是命同教步蹇有何因眼隨老滅

嫌長夜體待陽舒望早春新樂堂前舊池

上相過亦不要他人

梁王捐館後枚叟過門時有淚人還泣無

情雪不知臺亭留盡在賓客散何之唯有

蕭條鴈時來下故也

酬夢得貧居詠懷見贈

歲陰生計兩蹉跎相顧悠上醉且歌厨冷

難留鳥止屋門開可與雀張羅病添莊鳥

吟聲苦貧欠韓康藥債多日望揮金賀新

命俸錢依舊又如向

酬夢得見喜疾瘳

暖卧摩綿褥寒傾藥酒螺昏上布裘底病

醉睡相和未疾徒云爾餘年有幾何須知

差與否相去校無多

夜聞箏中彈蕭湘送神曲感舊

縹緲巫山女歸來七八年殷勤湘水曲習
在十三絃苦調吟還出深情咽不傳萬重
雲水思今夜月明前

感蘇州舊舫

畫梁朽折紅窓破獨立池邊盡日看守得
蘇州船舫爛此身爭合不衰殘

感舊石上字

閑撥船行尋舊池幽情往事復誰知太湖
石上鐫三字十五年前陳結之

見敏中初到邠寧秋日登城樓詩

想爾到邊頭蕭條正值秋二年貧御史八

月古邠州絲管聞雖樂風沙見亦愁望鄉
心若苦不用數登樓

齋戒

每因齋戒斷葷腥漸覺塵勞染愛輕六賊

定知無氣色三尸應恨少恩情酒魔降伏
終須盡詩債填還亦欲平從此始堪爲弟

子竺乾師是古先生

戲禮經老僧

香火一爐燈一盞白頭夜禮佛名經何年
飲著聲聞酒直到如今醉未醒

近見慕巢尚書詩中屢有歎老思
退之意又於洛中新置郊居然寵

寄方深歸心大速因以長句戲而
諭之

近見詩來歎白鬚遙知闕外憶東都煙霞
偷眼窺中父富貴粘身擺得無新置林園

猶羨落未終婚嫁且踟躕應須待到懸車
歲然可東都伴老夫

對鏡偶吟贈張道士抱元

閑來對鏡自思量年貌衰殘分所當白髮

萬莖何所恠丹砂一粒不曾嘗眼昏又被
書料理肺渴多因酒損傷今日逢師雖已
晚枕中治老有何方

枕上驚新歲花前減舊歡是身老所逼非
意病相干風月情猶在盃觴興漸闌便休

心未伏更試一春看
卧疾來早晚

卧疾來早晚懸七將十旬婢能尋本草犬
不吠鑿人酒壘全生醜歌筵半委堊風光
還欲好爭向枕前春

夢得前所酬篇有鍊盡美少年之
句因思往事兼詠今懷重以長句
答之

鍊盡少年成白首憶初相識到今朝昔饒
春桂長先折今伴寒松最後凋生事縱貧

猶可過風情雖老未全鎖聲華寵命人皆
得若箇如君歷七朝

病後寒食
故紗絳帳舊青氈藥酒醺七引醉眠抖擻

弊袍春晚後摩挲病脚日陽前行無筋力
尋山水坐少精神聽管絃拋擲風光負寒
食曾來未省似今年

老病相仍以詩自解

榮枯憂喜與彭殤都似人間戲一場虫臂
鼠肝猶不怪雞膚鶴髮復何傷昨因風發
甘長往今遇陽和又小康還似遠行裝束
了遲迴且住亦何妨

皇甫郎中親家翁赴任絳州宴送
出城贈別

慕賢入室交先定結援通家好復成新婦
不嫌貧活計嬌孫同慰老心情洛橋歌酒

今朝散絳路風烟幾日行欲識離羣相戀
意爲君扶病出都城

春暖

風痺宜和暖春來脚校輕鶯留花下立鶴
引水邊行髮少嫌巾重顏衰訝鏡明不論
親與故自亦昧平生

殘春晚起伴客笑談

掩戶下簾朝睡足一聲黃鳥報殘春披衣
岸憤日高起兩角春衣扶老身策杖強行
過里巷引盃閑酌伴親賓莫言病後妨談
笑猶恐多於不病人

送唐州崔使君侍親赴任

連持使節歷專城獨賀崔侯最慶榮烏府
一拋霜簡去朱輪四從板輿行發時正許
沙鷗送到日方乘竹馬迎唯慮郡齋賓友
少數盃春酒共誰傾

艷陽時節

春晚詠懷贈皇甫朗之

又蹉跎遲暮光陰復若何一歲

中分春日少

百年通計老時多上中更被
愁牽引少裏兼遭病折磨賴有銷憂治悶
藥君家濃耐我狂歌

春盡日宴罷感事獨吟

五年三月今朝盡客散筵空獨掩扉病共
樂天相伴住春隨樊子一時歸閑聽鶯語
移時立思逐楊花觸處飛金帶緹腰衫委
地年上衰瘦不勝衣

病中辱崔宣城長句見寄兼有觥
綺之贈因以四韻摠而酬之

劉楨病發經春卧謝眺詩來盡日吟三道
舊誇收片玉一章新喜獲雙金信題霞綺
緘情重酒試銀觥表分深科第門生滿宵
漢歲寒少得似君心

前有別柳枝絕句夢得繼和云春
盡絮飛留不得隨風好去落誰家

又復戲答

柳老春深日又斜任他飛向別人家誰能
更學孩童戲尋逐春風捉柳花

池上早夏

水積春塘晚陰交夏木繁舟船如野渡籬
落似江村靜拂琴床席香開酒庫門慵閑

無一事時弄小嬌孫

談氏外孫生三日喜是男偶吟成

玉芽珠顆小男兒羅薦蘭湯浴罷時茶苜

春來盈女手梧桐老去長孫枝慶傳媒氏

驚先賀喜報談家烏預知明日貧翁具雞

黍應須訓賽引鷓鴣詩

開成帝挽歌詞四首奉勅

撰進

御宇恢皇化傳家叶至公華夷臣妾內堯

舜弟兄中制度移砥俗文章變國風開成

與貞觀實錄事多同

晏駕辭雙闕靈儀出九衢上雲歸碧落下

席葬蒼梧莫晚餘堯曆邇新啓夏圖三朝

聯棣萼從古帝王無

嚴恭七月禮哀慟萬人心地感勝秋氣天

愁結夕陰鼎湖龍漸遠濛汜日初沉唯有

雲韶樂長留治世音

化成同軌表清平恩結連枝感聖明帝與

九齡雖吉夢山呼萬歲是虛聲月低儀仗

辭蘭路風引笳簫入柏城老病龍髯攀不

及東周退傳最傷情

時熱少見客因詠所懷

剗櫛心多懶逢迎興漸微况當時熱甚幸

遇客來稀濕洒池邊地涼開竹下扉露牀
青篾簾風架白蕉衣院靜留僧宿樓空放
妓歸衰殘強歡宴此事又知非

宣州崔大夫閣老忽以近詩教十

首見示吟諷之下竊有所喜因成
長句寄題郡齋

謝玄暉歿吟聲寢郡閣寥上筆硯閑無
新詩選壁上虛教遠岫列窓間忽驚歌雪
今朝至必恐文壁昨夜還再喜宣城章句
動飛觴遙賀敬亭山

足疾

足疾無加亦不瘳綿春歷夏復經秋開顏
且酌樽中酒代步多乘池上舟幸有眼前
衣食在兼無身後子孫憂應須學取陶彭
澤但委心形任去留
晚池汎舟遇景成詠贈呂處士

崖橋平池面寬飄然輕棹汎澄瀾風宜
扇引開懷入樹愛舟行仰卧看別境客稀
知不易能詩人少詠應難唯憐呂叟時相
伴同把磻溪舊釣竿

夢微之

夜來携手夢同遊晨起盈巾淚莫收漳浦
老身三度病咸陽宿草八迴秋君埋泉下
泥鋪骨我寄人間雪滿頭阿衛韓郎相次
去夜臺茫昧得知不

感利詠意

炎涼遷次速如飛又脫生衣着熟衣遶壁
暗蛩無限思戀巢寒鷺未能歸須知流輩
年七失莫歎衰容日七非舊語相傳聊自
慰世間七十老人稀

老病幽獨偶吟所懷

眼漸昏七耳漸聾滿頭霜雪半身風已將

心出浮雲外，猶寄形於逆旅中。觴詠罷來，賓閣閉笙歌，散後妓房空。世緣俗念消除，盡別是人間清淨翁。

和楊尚書罷相後夏日遊永安水

道行無喜退無憂，舒卷如雲得自由。良冶

動時為哲匠，巨川濟了作虛舟。竹亭陰合偏宜夏，水檻風涼不待秋。遙愛翻上雙紫

鳳入同官署，出同遊在家出家。

衣食支分婚嫁畢，從今家事不相仍。夜眠身是投林鳥，朝飯心同乞食僧。清唳數聲

松下鶴，寒光一點竹間燈。中宵入定跏趺坐，女喚妻呼多不應。

夜涼露白風清，庭戶涼老人先著。夾衣裳舞腰

歌袖拋何處，唯對無絃琴一張。繼之尚書自余病來寄遺非一又

蒙覽醉吟先生傳題詩以美之今

以此篇用伸酬謝

衰殘與世日相疎，惠好唯君分有餘。茶藥

贈多因病久衣裳，寄早乃寒初。交情鄭重

金相侶，詩韻清鏘玉不如。醉傳狂言人盡

笑，獨知我者是尚書。

經年不到龍門寺，今夜何人知我情。還向

暢師房裏宿，新秋月色舊難聲。飲徒歌伴今何在，雨散雲飛盡不迴。從此

香山風月夜，祗應長是一身來。石盆泉畔石樓頭，十二年來晝夜遊。更過

今年年七十，假如無病亦宜休。題香山新經堂招僧

烟滿秋堂月滿庭香花漠漠磬冷誰能
來此尋真諦白老新開一藏經

偶題鄧翁

偶因携酒尋村客聊復迴車訪薜蘿且值
雪寒相慰問不妨春暖更經過翁居山下
年空老我得人間事校多一種共翁頭似
雪翁無衣食又如何

早入皇城贈王留守僕射

津橋殘月曉沉沉風露凄清禁署深城柳
宮槐謾搖落悲愁不到貴人心

寄題廬山舊草堂兼呈二林寺道
侶

三十年前草堂主而今雖老髮如絲登山
尋水應無力不似江州司馬時斬伏酒魔
休放醉猶殘口業未拋詩君行過到鑪峯
下為報東林長老知

改業

先生老去飲無興居士病來閑有餘猶覺
醉吟多放逸不如禪坐更清虛柘枝紫袖
教丸藥羯鼓蒼頭遣種蔬却被山僧戲相
問一時改業意何如

山下留別佛光和尚

勞師送我下山行此別何人識此情我已
七旬師九十當知後會在他生

山中玉絕句
遊嵩陽見五物各
有所感
興不同隨興而吟因成

五絕
嶺上雲

嶺上白雲朝未散田中青麥早將枯自生
自滅成何事能逐東風作雨無

石上苔

漠上苔石上苔幽芳靜綠絕纖埃路傍

九草榮遭會得七年車輓來

林下樗

香檀文桂苦雕鏤生理何曾得自全知有
無材老樗杏一枝不損盡天年

問中魚

海水桑田欲變時風濤翻覆沸天池鯨吞
蛟鬪波成血深澗游魚樂不知

洞中蝙蝠

千年鼠化白蝙蝠黑洞深藏避網羅遠害
全身誠得計一生幽暗又如何

自戲三絕句

心問身

心問身云向泰然嚴冬煖被日高眠放君
快活知恩否不早朝來十一年

身報心

心是身王身是宮君今居在我宮中是君

家舍君須愛何事論恩自說功

心重荅身

因我踈慵休罷早遣君安樂歲時多世間
老苦又何限不放君閑柰我何

會昌元年春五絕句

病後喜過劉家

忽憶前年初病後此生甘分不銜盃誰能
料得今春事又向劉家飲酒來

贈舉之僕射

雞毬錫粥屢開筵談笑謳吟闔管絃一月
三迴寒食會春光應不負今年

盧尹賀夢得會中作

病聞川守賀筵開起伴尚書飲一盃任意
少年長笑我老人自覓老人來

題朗之槐亭

春風可惜無多日家醞唯殘軟半瓶猶望

君歸同一醉籃舁早晚入槐亭

勸夢得酒

誰人功畫麒麟閣何客新投魑魅鄉兩處
榮枯君莫問殘春更醉兩三場

過裴令公宅二絕句

風吹楊柳出牆枝憶得同歡共醉時每到

集賢坊北過不曾一度不低眉

梁王舊館雪濛上愁殺鄰家二老翁假使

明朝深一尺亦無人到兔園中

百日假滿少傅官停自喜言懷

長告今朝滿十旬從茲瀟灑便終身老嫌

手重拋牙笏病喜頭輕換角巾踈傳不朝

懸組綬尚平無累畢婚姻人言世事何時

了我是人間事了人

早熱

畏景又加旱火雲殊未收籬暄飢有雀池

涸渴無鷗岸憤頭仍痛褰裳汗亦流若爲
當此日遷客向炎洲

題崔少尹上林坊新居

坊靜深居新且幽忽疑縮地到滄洲宅東

籬缺高峯出堂後門開洛水流高下三層

盤野徑公回十里汎漁舟若能爲客烹雞

黍願伴田蘇日七遊

新澗亭

烟蘿初合問新開閑上西亭日幾迴老病
歸山應未得且移泉石就身來

住年江外拋桃葉去歲樓中別柳枝寂寞

春來一杯酒此情唯有李君知吟君舊句

情難忘風月何時是盡時

楊六尚書頗寄新詩上中多有思

閑相就之志因書鄙意用報而諭

君年殊未及懸車未合將閑逐老夫身健
正宜金印綬位高方稱白髭鬚若論塵事
何由了但問雲心自在無進退是非俱是
夢丘中闕下亦何殊

偶吟自慰兼呈夢得

且喜同年滿七旬莫嫌衰病莫嫌貧已為
海內有名客又占世間長命人耳裏聲聞
新將相眼前失落故交親尊榮富壽難兼
得閑坐思量最要身

寄潮州繼之

相府潮陽俱夢中夢中何者是窮通他時
事過方應悟不獨榮空辱亦空

尚書飲

黃昏慘上雪霏上白首相歡醉不歸四箇

老人三百歲人間此會亦應稀

雪朝乘興欲詣李司徒留守先以

五韻戲之

寒夜生酒思曉雪引詩情熱飲一兩盞冷

吟三五聲鋪花憐地凍銷玉畏天晴好拂
烏巾出宜披鶴氅行梁園應有興何不召

鄒生

贈思黯

為憐清淺愛潺湲一日三迴到水邊若道
歸仁難更好主人何故別三年

聽歌六絕句

聽都子歌

都子新歌有性靈一聲格轉已堪聽更聽
唱到嫦娥字猶有樊家舊典刑

樂世六么

管急絃繁拍漸稠六么宛轉曲終頭誠知

樂世聲上樂老病人聽未免愁

水調第五遍乃五言調上韻最切

五言一遍最殷勤調少情多似有因不會

當時翻曲意比聲腸斷為何人

玉管朱絃莫急催容聽歌送十分盃長愛

夫憐第二句請君重唱夕陽開

世傳滿子何滿子開元中滄洲有歌者何滿

四詞歌八疊從頭便是斷腸聲

綠楊陌上送行人馬去車迴一望塵不覺

別時紅淚盡歸來無可上霑巾

坐安卧穩輿平肩倚杖披衫遶四邊空腹

三盃卯後酒曲肱一覺醉中眠更無忙苦

吟閑樂恐是人間自在天